

# Telerau ac Amodau Safonol i Arian i Bawb y Loteri Genedlaethol

1. Trwy gyflwyno cais i Gronfa Gymunedol y Loteri Genedlaethol, rydych chi, y sefydliad a enwir yn y cais (y cyfeirir ato fel “chi”, “eich”, “rydych” a “byddwch” yn yr Amodau a Thelerau hyn) yn cytuno, os dyfernir grant iddo, i:
  - 1.1 ddal y grant ar ymddiriedaeth dros Gronfa Gymunedol y Loteri Genedlaethol (y cyfeirir ati fel “ni”, “ein”, “rydym” a “byddwn”) a’i ddefnyddio dim ond ar gyfer eich prosiect chi, neu fel y cytunir fel arall gyda ni, a dim ond ar gyfer gwariant ar ôl dyddiad y dyfarniad grant;
  - 1.2 darparu unrhyw wybodaeth ac adroddiadau y mae eu hangen arnom ni ynglŷn â’r prosiect a’i effaith, yn ystod ac ar ôl diwedd y prosiect yn brydlon;
  - 1.3 gweithredu’n gyfreithiol wrth gyflawni’ch prosiect, yn unol ag arfer gorau ac arweiniad gan eich rheoleiddiwy, a dilyn unrhyw ganllawiau a gyhoeddir gennym ni ynglŷn â’r prosiect neu ddefnyddio’r grant;
  - 1.4 cydnabod arian y Loteri Genedlaethol gan ddefnyddio’r brand loteri cyffredin yn unol â’r canllawiau brand perthnasol;
  - 1.5 cadw’r grant mewn cyfrif banc neu gymdeithas adeiladu Deyrnas Unedig sy’n bodloni ein gofynion fel a ddisgrifir yn y canllawiau ac yn mynnu bod o leiaf dau unigolyn nad oes unrhyw gyswllt rhyngddynt yn cymeradwyo pob trafodiad a didyniad;
  - 1.6 dychwelyd unrhyw ran o’r grant na chaiff ei defnyddio ar gyfer eich prosiect neu sy’n gymorth gwladwriaethol anghyfreithlon;
  - 1.7 pan fydd eich prosiect yn cynnwys cydweithio â phlant, pobl ifainc neu oedolion bregus, mabwysiadu a gweithredu polisi diogelu ysgrifenedig priodol, dod o hyd i ganiatâd ysgrifenedig gan ofalwyr neu warcheidwaid cyfreithiol a chyflawni gwiriadau cefndir ar gyfer yr holl gyflogeion, gwirfoddolwyr, ymddiriedolwyr neu gontractwyr yn unol â gofynion cyfreithiol neu ein canllawiau;
  - 1.8 cydymffurfio â deddfau diogelu data a chael caniatâd gan eich buddiolwyr er mwyn i ni a chi dderbyn a phrosesu eu gwybodaeth bersonol a chysylltu â nhw;
  - 1.9 cadw cofnodion cywir a chynhwysfawr ynglŷn â’ch prosiect yn ystod y prosiect ac am saith mlynedd wedyn ac, ar gais, darparu copïau i ni o’r cofnodion hynny a thystiolaeth o wario’r grant, megis derbynebaw a chyfriflenni banc gwreiddiol;

- 1.10 caniatáu mynediad rhesymol ar ein cyfer ni a/neu'r Rheolwr ac Archwilydd Cyffredinol i'ch adeiladau a systemau i archwilio cofnodion prosiect a grant;
- 1.11 Cronfa Gymunedol y Loteri Genedlaethol gyhoeddi a rhannu gwybodaeth amdano ch chi a'ch prosiect gan gynnwys eich enw a delweddau o weithgareddau prosiect. Trwy hyn rydych yn rhoi trwydded rhydd rhag breindaliadau i ni atgynhyrchu a chyhoeddi unrhyw wybodaeth brosiect a roddwch i ni. Byddwch yn ein hysbysu pan fyddwch yn darparu'r wybodaeth os nad oes gennych ganiatâd i ni ei defnyddio at y dibenion hyn; ac
- 1.12 os yw eich prosiect i'w gyflwyno yng Nghymru, galluogi pobl i gymryd rhan yn Gymraeg a Saesneg, gan drin y ddwy iaith yn gyfartal. Mae'n rhaid i siaradwyr Cymraeg fedru cyrchu gwybodaeth a gwasanaethau yn Gymraeg ac mae'n rhaid creu pob deunydd yn ddwyieithog.

**2. Rydych yn cydnabod bod gennym ni'r hawl i atal neu derfynu'r grant a/neu fynnu eich bod yn ad-dalu'r grant cyfan neu ran ohono mewn unrhyw un o'r sefyllfaoedd a ganlyn. Mae'n rhaid i chi ein hysbysu os yw unrhyw un o'r sefyllfaoedd hyn wedi digwydd neu'n debygol o ddigwydd:**

- 2.1 Rydych yn defnyddio'r grant mewn unrhyw ffordd heblaw am yr hyn a gymeradwyir gennym ni neu'n methu â chydymffurfio ag unrhyw un o'r amodau a thelerau hyn.
- 2.2 Rydych yn methu â gwneud cynnydd da gyda'ch prosiect neu rydych yn annhebygol, yn ein barn ni, o gwblhau'r prosiect neu gyflawni'r canlyniadau y cytunwyd arnynt gyda ni.
- 2.3 Mae arian cyfatebol sydd gennych ar gyfer y prosiect yn cael ei ddileu neu os byddwch yn derbyn cyllid dyblyg ar gyfer yr un costau prosiect a ariennir gan y grant.
- 2.4 Rydych yn darparu gwybodaeth ffug neu gamarweiniol naill ai wrth ymgeisio neu ar ôl dyfarnu'r grant, gweithredu'n anonest neu'n destun ymchwiliad gennym ni, corff rheoleiddio neu'r heddlu, neu os ydym yn ystyried am unrhyw reswm arall bod arian cyhoeddus wedi'i beryglu neu os byddwch yn gwneud unrhyw beth arall sy'n difrio ni neu'r Loteri Genedlaethol.
- 2.5 Rydych yn mynd, neu os yn ein barn ni rydych yn debygol o fynd, i ddwylo'r gweinyddwyr, datodiad, derbynyddiad, diddymiad neu, yn Yr Alban, os caiff ystâd eich mudiad ei secwestro.

**3. Rydych yn cydnabod y canlynol:**

- 3.1 mae'r grant at eich defnydd chi'n unig a gallwn fynnu eich bod yn talu cyfran o unrhyw enillion yn sgil gwaredu asedau a brynwyd neu a wellwyd gyda'r grant;
- 3.2 ni fyddwn yn cynyddu'r grant os byddwch yn gwario mwy na'r gyllideb gytunedig a gallwn warantu'r grant dim ond cyhyd â bydd y Loteri Genedlaethol yn parhau i weithredu a'n bod ni'n derbyn digon o gyllid ganddo;
- 3.3 nid yw'r grant yn ystyriaeth ar gyfer unrhyw gyflenwad trethadwy at ddibenion TAW;

- 3.4 ni fyddwn yn atebol am unrhyw gostau neu ddeilliannau a geir gennych chi neu drydydd partïon sy'n deillio naill ai'n uniongyrchol neu'n anuniongyrchol o'r prosiect, neu o fethu â thalu neu ddiddymu'r grant, ac eithrio i'r graddau a ganiateir gan y gyfraith;
- 3.5 bydd yr amodau a thelerau hyn yn parau mewn grym am flwyddyn ar ôl i'r grant gael ei dalu neu hyd nes y bydd y prosiect wedi'i gwblhau, p'un bynnag yw'r hwyraf. Bydd cymalau 1.2, 1.4, 1.6, 1.9, 1.10, 1.11 a 3.4 yn parhau ar ôl i'r Amodau a Thelerau ddod i ben; ac
- 3.6 os caiff y cais a'r dyfarniad grant eu gwneud yn electronig, tybir bod y cytundeb rhyngom yn un ysgrifenedig a thybir mai derbyn ar-lein yr amodau a thelerau hyn gennych chi fydd y llofnod ar y cytundeb hwnnw.